



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 12. Colloquium Luparense Anglos inter & Gallos

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

tium Dux, Franciscus Surienus nomine Sæcul. XV.
 rapto vivere assuetus Fulgerias Ducis A. C. 1449.
 Britanniae urbem, cum cives eo tempore
 ob induciarum securitatem nihil minus
 suspicarentur, repentina irruptione occu- Fougeres.
 pat, & populabundus optima quæque
 diripit. Ea de re Britanniae Dux missis
 ad Carolum Regem, qui tunc Caini age-
 bat, Legatis questus, & eundem ad infe-
 rendum Anglis bellum hortatus est. Rex
 ab Anglis prius injuriæ, damnique re-
 parationem esse petendam, & demum id
 negantibus, ad arma recurrendum arbi-
 trabatur; Unde ad Sommersetum Du-
 cem, qui eo tempore in Normannia Re-
 gis Angliæ Vicarium agebat, Legatos
 decrevit, qui res captas ab Anglorum Bel-
 liduce repeterent, atque injuriam sarciri
 postularent. Respondit Sommersetus, nec
 id jussu suo factum, nec se illius aucto-
 rem unquam proditurum. Cum vero
 Galli oppidum sibi reddi ac damna reparari
 urgerent, id potestatem suam excedere
 reposuit. Rex igitur, cum a Duce jus
 suum obtinere non posset, ad ipsum An-
 gliæ Regem Legatos destinavit.

§. XII.

*Colloquium Luparense Anglos
 inter & Gallos.*

Hæc diffidia solidos sex menses tenuere.

Q 2

re.

Sæcul. XV. re. Equidem Rex ad bellum denuo
 A. C. 1449. Anglis inferendum hanc Ducis repugnanti-
 am obtendere potuisset; ast cum ali-

Jean. Char- quamdiu, quid in eo rerum statu decer-
tier et Matth neret, suspensus hæreret, præter spem
Coucy hist. de Sommerfetus cum eo hac super re con-
Charl. VII ferre postulabat. Nec Galliarum Rex

colloquium respuit, sed ad Conventum,
 pro quo urbs Luparis selecta erat, Cula-
 num, & Guilielmum Cusnotum, libel-
 lorum supplicum Magistrum Oratores
 ablegavit. Hi quoque jam Mense Majo
 Luparas advenere, comitantibus eos
 Ducis Sommerfeti Procuratoribus. Jam-
 jam consultationibus daturi erant ini-
 tium, cum Britanniaë Dux, consentiente
 etiam Galliarum Rege, Pontis-Arcuense
 oppidum in superiori urbis Rothomagen-
 sis vicinia ad Sequannam situm, necnon
 Conchum haud procul ab Ebroico oppi-
 do, Gerboredum prope Bellovacum, &
 Conacum Caranthoni flumini proximi-
 mum repentino impetu occuparet, ut
 Fulgeriensis urbis jacturam talionis jure
 compensaret. Equidem Sommerfetus hac
 de re vehementer querebatur, sed in
 promptu erat responsum, dictumque,
 Fulgerias Britanno redderet, quo facto
 confestim Galli Anglorum Regi satisfac-
 turi essent. Verum hoc responsum Duci
 minus arridebat, Regisque jussu Orato-
 res Luparenses Conventum solverunt,
 &

& inter utramque Nationem bellum in Sæcul. XV.
 apertas flammæ erupit. A. C. 1449.

§. XIII.

*Angli improvide bellum contra Gallos
 profecuti.*

Attamen Anglorum res adeo sinistra ja-
 ctabantur fortuna, ut bellum profe-
 qui prorsus inconsultum esset; cum enim
 regnum, & præcipue Londinensis urbs
 exitialibus diffidiis, bellisque domesticis *Vide supra*
 susque deque vertetur, merito Angli *Lib. CLX.*
 optatum belli exitum desperare debebant. *§. 121.*
 Insuper hosce tumultus præcipue accen-
 debant tributa ab Henrico Rege Londi-
 nensibus imposita, quibus etiam accessit
 infelix fatum, quod Humfredus Gloce-
 striæ Dux Regisque Patruus in suo car-
 cere elisis faucibus subiit. Nihilominus
 Angli Scotiam, licet induciæ cum illis
 pactæ non minus eam, quam Britanni-
 am complecterentur, infestis armis inva-
 serunt, maximo tamen eorum damno,
 utpote bino, eoque sat cruento devicti
 proelio, in quorum altero viginti quatuor
 Anglorum millia ceciderunt, & Duglas-
 sius, atque Ormundus Comites conti-
 nuato victoriæ cursu in Angliam popu-
 labundi irruerunt, regnumque fœde de-
 vastarunt. Anglorum imprudentiam Ca-
 rolus Rex in rem suam vertebat, hac-

Q 3

que